




Republika e Kosovës Republika Kosova - Republic of Kosovo

AGJENCIA KUNDËR KORRUPSIONIT
AGENCIA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 18.12.2014, mori:

V E N D I M

I. Mbyllet rasti me nr. AKK- 03-3757/14, për, ish zyrtarin e lartë z. Kadrush Shala, zyrtar i lartë i prokurimit ne KRU-“RADONIQI sh.a, për shkak se është shmangur gjendja e mundshme e konfliktit të interesit .

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Në rastin e shqyrtuar për konflikt të interesit me numër protokolli AKK-03-3757/14, qe për trajtim ka pasur zyrtarin z. Kadrush Shala, zyrtar i lartë i Prokurimit ne KRU “Radoniqi” sh.a. Gjatë zhvillimit të procedurës dhe analizimit të gjendjes është konstatuar se zyrtari z. Kadrush Shala, gjatë kohës së ushtrimit të funksionit publik si zyrtar i lartë i prokurimit ne KRU “Radoniqi sh.a”, është identifikuar se është duke ushtruar aktivitetet ne veprimtari private si pronar dhe person i autorizuar, ne një biznes privat e që sipas Ligjit për Parandalimin e Konfliktit të Interesit në Ushtrimin e Funksionit Publik Nr.04/L- 051, kjo situatë paraqet konflikt të mundshëm të interesit, dhe mos pajtueshmëri në ushtrimin te funksionit publik, andaj Agjencia kundër Korrupsionit me datën 31.10.2014, e ka njoftuar zyrtarin e lartë me shkresën e parë se ka filluar procedura e shqyrtimit të gjendjes së mundshme të Konfliktit të Interesit dhe se ka të drejtë në afatin prej 15 ditësh të njoftohet me faktet qe posedon Agjencia.

Pas kësaj z. Kadrush Shala është përgjigjur shkresës dhe ka ardhur ne AKK, me datën 07.11.2014 ku është njoftuar nga zyrtaret e AKK-se, për faktet qe disponon Agjencia lidhur me dyshimin për Konflikt te mundshëm te interesit.

z. Shala, gjatë takimit është pajtuar me gjendjen, por na ka njoftuar se biznesi në fjalë me emër D.P.Z "Mega Reklam" nuk zhvillon aktivitet dhe nuk është aktiv që në vitin 2012 dhe ka mbetur vetëm si biznes i regjistruar në ARBK dhe është zotuar se në afat sa me të shpejt do të veproj sipas rekomandimeve të Agjencisë dhe do të bëjë ndryshimet e nevojshme dhe do të shmangët nga situata e mundshme e konfliktit të interesit.

Me datën 15.12.2014, z. Kadrush Shala, ka ardhur në AKK-ë duke na njoftuar se është shkarkuar nga pozita si zyrtar i lartë i prokurimit dhe nuk mbanë me pozitën e zyrtarit të lartë.

Po ashtu me datën 16.12.2014 kemi pranuar njoftimin nga KRU "Radoniqi" ku jemi njoftuar se z. Kadrush Shala nuk ushtron më funksionin e zyrtarit të lartë në KRU "Radoniqi".

Vlerësojmë se shkarkimi nga funksioni si zyrtar i lartë në KRU "Radoniqi", dhe krijimi i rrethanave të reja kanë bërë që të shmangët gjendja e mundshme e konfliktit të interesit për ish zyrtarin z. Kadrush Shala, (ish Zyrtarë i lartë i Prokurimit në KRU "Radoniqi" sh.a.) andaj,

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPK- së
- Z./znj. (zyrtari përgjegjës)

Drejtor i Agjencisë kundër Korrupsionit

